



Sukarelawan UMP mengisi bubur lambuk untuk diagihkan di Padang MPK1, semalam. [FOTO NAUFAL SAMSUDIN/BH]

# UMP, JAIP agih 3,000 bubur lambuk

BH CNASTIONAL | 3 JULAI 2015 m/s 37

**Kuantan:** Universiti Malaysia Pahang (UMP) dengan kerjasama Jabatan Agama Islam Pahang (JAIP) dan Pejabat Jawatankuasa Dakwah dan Islamiah dan Tugas-Tugas Khas negeri mengagihkan 3,000 bubur lambuk ke kawasan tumpuan orang di sini.

Program Bubur Lambuk Komuniti itu juga inisiatif universiti berkenaan sebagai tanggungjawab sosial korporat (CSR) dengan bubur lambuk itu diagihkan di lokasi iaitu berhadapan Masjid Negeri Sultan Ahmad Shah 1, Balai Polis Kuantan dan Hospital Tengku Ampuan Afzan (HTAA).

Pengarah Pusat Islam dan Pembangunan Insan UMP, Dr Mahyuddin Ismail, berkata 50 kilogram (kg) beras digunakan bagi menyediakan 10 periuk bubur lambuk yang dimasak secara bergotong-royong di Masjid Negeri Sultan Ahmad.

“Lebih menarik penyediaan bubur lambuk ini menggunakan

kan resipi istimewa Adabi Consumer Industries Sdn Bhd (Adabi).

“Seramai 160 pelajar UMP turut terbabit dalam aktiviti sukarelawan, antara kerja dilakukan adalah menyiang, memasak, membungkus dan mengedarkan bubur lambuk.

## Dapat sambutan

“Kita gembira kerana program ini berjalan dengan lancar dan mendapat sambutan menggalakkan daripada orang ramai,” katanya.

Selain Program Bubur Lambuk Komuniti, UMP turut menganjurkan Festival Ramadan bagi memeriahkan Ramadan dengan pelbagai aktiviti keagamaan dan kemasyarakatan.

Antara pengisian dalam Festival Ramadan adalah tarawih, tadarus al-Quran, jejak asnaf fakir miskin, diskusi rahsia keajaiban al-Quran dan berbuka puasa bersama masyarakat sekitar kampus UMP di Gambang serta Pekan.